



**ЎЗБЕКИСТОН RESPUBLIKASI XORAZM VILOYATI BOG'OT
TUMANI HOKIMINING
QARORI**

Bog'ot shaharchasi, O'zbekiston ko'chasi, 18-uy

~~2020 yil 20 - Nojabr~~ ~~2573a~~ -son
2020 7 dekabr 2606a

Bog'ot shaharchasi

Хоразм вилояти ҳокимининг 2020 йил 13 ноябрдаги “Ўзбекистон Республикаси Президентининг 2020 йил 10 ноябрдаги “Аҳолининг соғлом овқатланишини таъминлаш бўйича қўшимча чора-тадбирлар тўғрисида”ги ПҚ-4887-сонли қарорининг ижроси ҳақида”ги 406қ-сонли қарорининг ижроси тўғрисида.

Ўзбекистон Республикаси Президентининг 2020 йил 10 ноябрдаги “Аҳолининг соғлом овқатланишини таъминлаш бўйича қўшимча чора-тадбирлар тўғрисида”ги ПҚ-4887-сонли қарорининг ижроси юзасидан вилоят аҳолининг соғлом овқатланиши ва жисмоний фаоллигини таъминлаш, юқумли бўлмаган касалликлар профилактикаси борасида амалга оширилаётган ишлар самарадорлигини янада ошириш, ҳар бир фуқорода соғлом овқатланиш ва жисмоний фаоллик маданиятини шакллантириш мақсадида

ҚАРОР КИЛАМАН:

1. Хоразм вилояти ҳокимининг 2020 йил 13 ноябрдаги “Ўзбекистон Республикаси Президентининг 2020 йил 10 ноябрдаги “Аҳолининг соғлом овқатланишини таъминлаш бўйича қўшимча чора-тадбирлар тўғрисида”ги ПҚ-4887-сонли қарорининг ижроси ҳақида”ги 406қ-сонли қарори раҳбарлик ва ижро учун қабул қилинсин.

2. Ўзбекистон Республикаси Президентининг мазкур қарори билан:

2020-2025 йилларда аҳолида соғлом овқатланиш одатини шакллантириш бўйича чора-тадбирлар дастури 1-иловага;

2020-2025 йилларда аҳолида соғлом овқатланиш одатини шакллантириш бўйича чора-тадбирлар дастурини амалга ошириш самарадорлигини аниқлаш индикаторлари 2-иловага;

2021-2023 йилларда қабул қилинадиган озиқ-овқат саноати соҳасидаги халқаро стандартлар рўйхати 3-иловага;

2021-2023 йилларда қайта кўриб чиқиладиган озиқ-овқат хавфсизлигига оид санитария қоидалари ва меъёрлари рўйхати 4-иловага;

мазкур қарорнинг алоҳида бандлари ижросини самарали ташкил этиш бўйича ҳаракатлар режаси 5-иловага мувофиқ тасдиқланганлиги маълумот учун қабул қилинсин.

3. Хоразм вилоят ҳокимининг мазкур қарори билан:

- 2020-2025 йилларда вилоят аҳолисининг соғлом овқатланиш одатини шакллантириш бўйича чора-тадбирлар режаси 6-иловага мувофиқ тасдиқланганлиги;

- вилоят қишлоқ хўжалиги бошқармаси (Э.Бекчанов) шаҳарлар ва туманлар ҳокимликлари билан биргаликда 2020 йил 1 августга қадар соғлом, таркибида туз, қанд ва ёғ миқдори инсон соғлиги учун хавфсиз меъёр доирасидаги маҳсулотлар ишлаб чиқарувчиларни қўллаб-қувватлаш бўйича чора-тадбирлар дастурини ишлаб чиқиши ва ижросини таъминлаши топширилганлиги;

- вилоят соғлиқни сақлаш бошқармаси (К.Тангрибердиев), вилоят молия бошқармаси (М.Искандаров), вилоят мактабгача таълим бошқармаси (И.Якубова), вилоят халқ таълими бошқармаси (Х.Бектемиров) шаҳар ва туманлар ҳокимликлари билан биргаликда 2021 йил 1 июндан бошлаб:

6-23 ойлик болалар учун уй шароитида тайёрланган овқатларни бойитиш мақсадида микронутриент кукуни билан;

6 ойликдан 5 ёшгача бўлган болаларни "А" витамини билан;

2-10 ёшли болаларни гельминтоз профилактикаси бўйича махсус препаратлар билан;

2022 йил 1 июлдан бошлаб, ҳомиладор ва бола эмизувчи аёллар ҳамда 3-15 ёшдаги болаларни йод препарати билан;

35 ёшгача туғиш ёшидаги аёлларни темир ва фолий кислотаси препарати билан бепул таъминлаш чораларини кўриш топширилганлиги;

- вилоят соғлиқни сақлаш бошқармаси (К.Тангрибердиев) шаҳарлар туманлар ҳокимликлари билан биргаликда:

2021 йил 1 июндан нотўғри овқатланиш билан боғлиқ касалликларни эрта аниқлаш бўйича лаборатория тест синовлари стандартларини қайта кўриб чиқиши;

лаборатория тест синовлари стандартлари асосида шаҳарлар ва туманлар кўп тармокли марказий поликлиникалари лабораторияларини зарур ускуна, сарф материаллари ва реактивлар билан таъминлаш чораларини кўриши топширилганлиги;

- вилоят соғлиқни сақлаш бошқармаси (К.Тангрибердиев) мазкур қарорнинг ижроси юзасидан ҳар ойнинг 25-санасига қадар вилоят ҳокимлигига ахборот киритиб борилиши маълумот ва ижро учун қабул қилинсин.

4. Туман қишлоқ хўжалиги бўлими (Б.Ямгуров), туман санитария-эпидемиологик осойишталик ҳамда жамоат саломатлиги бўлими (А.Бобоев) ва тегишли ташкилотлар биргаликда 2021 йил 1 августга қадар соғлом, таркибида туз, қанд ва ёғ миқдори инсон соғлиги учун хавфсиз меъёр доирасидаги маҳсулотлар ишлаб чиқарувчиларни қўллаб-қувватлаш бўйича чора-тадбирлар дастурини ишлаб чиқсин ва ижросини таъминласин.

5. Туман тиббиёт бирлашмаси (А.Саидов), туман санитария-

эпидемиологик осойишталик ҳамда жамоат саломатлиги бўлими (А.Бобоев), туман молия бўлими (Ж.Рўзметов), туман мактабгача таълим бўлими (Ж.Искандаров), туман халқ таълими бўлими (Т.Мирзаев) биргаликда 2021 йил 1 июндан бошлаб:

6-23 ойлик болалар учун уй шароитида тайёрланган овқатларни бойитиш мақсадида микронутриент кукуни билан;

6 ойликдан 5 ёшгача бўлган болаларни "А" витамини билан;

2-10 ёшли болаларни гельминтоз профилактикаси бўйича махсус препаратлар билан;

2022 йил 1 июлдан бошлаб, ҳомиладор ва бола эмизувчи аёллар ҳамда 3-15 ёшдаги болаларни йод препарати билан;

35 ёшгача туғиш ёшидаги аёлларни темир ва фолий кислотаси препарати билан бепул таъминлаш чораларини кўрсин.

6. Туман тиббиёт бирлашмаси (А.Саидов), туман санитария-эпидемиологик осойишталик ҳамда жамоат саломатлиги бўлими (А.Бобоев), туман молия бўлими (Ж.Рўзметов) билан биргаликда:

2021 йил 1 июндан нотўғри овқатланиш билан боғлиқ касалликларни эрта аниқлаш бўйича лаборатория тест синовлари стандартларини қайта кўриб чиқсин;

лаборатория тест синовлари стандартлари асосида туман кўп тармокли марказий поликлиника лабораторияларини зарур ускуна, сарф материаллари ва реактивлар билан таъминлаш чораларини кўрсин.

7. Туман тиббиёт бирлашмаси (А.Саидов) мазкур қарорнинг ижроси юзасидан ҳар ойнинг 25-санасига қадар туман ҳокимлигига ахборот киритиб борсин.

8. Мазкур қарорнинг ижросини назорат қилиш туман ҳокимининг ўринбосари Р.Шарипов зиммасига юклансин.

Богот тумани ҳокими



О.Холбоев